



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

CII. Kurfürst Friedrich genehmigt die von dem Bürger Bartholomäus Schawin geschehene Widmung von 2 Hufen Landes zu Bukow zur Stiftung einer beständig brennenden Lampe im Prediger-Kloster zu Cöln, am ...

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

Der geben ist czu Berlin, nach gots gebort virczenhundert Jar vnd darnach Im vier vnd virczigsten Jare, Am Mitwochen nach vnser lieben frawen tage Conceptionis.

R. dominus per se et legit.

Nach dem Churm. Lehnscopialbuche XX, 152.

CII. Kurfürst Friedrich genehmigt die von dem Bürger Bartholomäus Schawin geschehene Widmung von 2 Hufen Landes zu Bukow zur Stiftung einer beständig brennenden Lampe im Prediger-Kloster zu Cöln, am 24. Januar 1445.

Wir friderich, von gots gnaden Marggraue czu Brannendenborg etc., Bekennen — fur vns, vnsern bruder, Erben vnd nachkomen der marggraffschaft Brandenburg —, das vnser lieber getruwer Bartholomeus schawin, Borger In vnser Stad Colen, fur vns ist komen vnd hat vns demutiglichen gebeten, Das wir Im wolten gonnen vnd Erlouben, das Er von seinem veterlichen Erbe vnd gutern, die Er von vns vnd vnser hereschafft czu lehene hat, vmb seiner selen feliceit vnd auch vmb gots willen, disse hirnachgeschriebene czwey schogk Jerlicher czinse vnd Rente In dem dorffe czu Bukow, auf dem Teltow gelegen, dieselben czwey schogk, denn die hofe vnd hufen, darauff der Schulze ytzund wanet, virczig groschen vnd Jacoff lyse ein schogk vnd czwenzig groschen geben, Den Brudern prediger ordens In dem Closter dafelbst In vnser Stat czu Colen czu einer Ewigen lampen, die Ewiglichen damit mit den andern sachen dazzu gehörende czu halden vnd aufczurichten, mocht geben vnd vereygen. Sulche seine gute meynunge vnd Innege andacht wir angefehen vnd czu derselben gots gaben vnsern willen vnd fulbort gegeben haben vnd wir geben auch czu sulcher giff vnd gots gabe vnsern willen vnd fulbort etc. — Also das die obgnannten Prior, seniores vnd andere gemeyne Bruder des obgnannten Closters vnd ire nachkomen derselben czwey schogk Jerlichen Inmanen vnd sich der Ewiglichen czu der lampe, die In dem kore hanget, gebruchen vnd sie darmit aufzrichten sollen vnd darumb so sollen vnd wollen auch die obgnannten Bruder vnd Ire nachkommen des Closters prediger ordens czu Colen vor vns, vnseren Erben vnd nachkommen vnd vnser hereschafft czu Ewigen czyten des Jars mit vigilien vnd Selemissen vngeuerlichen den almechtigen got Bitten. Czu orkunde mit vnserm angehangen Ingefigel versigelt vnd Geben czu Berlin, Am Sontage nach Sand vicientii tage nach gots geborts etc. Im funffvndvirczigsten Jare.

R. dominus per se et legit.

Nach dem Churm. Lehnscopialbuche XX, 165.